



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Planuar / Dorezuar Primijeno/Prodato Received/Delivery	24.05.2022	2	viti god year
Organ /Njesia Organ./Jedinica Org./Unit	Nr Prot Bj Prot Prot No	Shtojca Prilog Appendix	Sasia Kolicina Quantity
SKDMSEK	3008/2022		113



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.381/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Arben Mehmeti-kryetar, Ardita Haxhnikaj-Demi dhe Jeton Koca- anëtarë, si dhe Sabile Avdyli -Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr.381/2022 të datës 15.04.2022, të parashtruar nga grup ankuesish

dhe të cilët me autorizim i përfaqëson avokat me adresë Rr." Afrim Zhitia", p.nr., Komuna e Mitrovicës, kundër organit të punësimit Universiteti i Prishtinës "Hasan Prishtina", në çështjen juridike "kompensim material", duke vepruar në pajtim me nenin 6 paragrafin 1 nën paragrafin 1.1 nenin 16 paragrafi 3 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 24.05.2022, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, *Shpallet jo kompetent* për të vendosur lidhur me ankesën, A.nr.381/2022 të datës 15.04.2022 të parashtruar nga grup ankuesish,

A r s y e t i m

Ankuesit që të gjithë të punësuar në Universitetin e Prishtinës "Hasan Prishtina", përmes përfaqësuesit me autorizim me datë 15.04.2022 kanë parashtruar ankesë kundër organit të punësimit Universiteti i Prishtinës "Hasan Prishtina", për mos kompensimin e shtesave prej tridhjetë (30) euro, sipas Vendimit Nr.05/24 të datës 12.01.2018 të Qeverisë së Republikës së Kosovës.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbim Civil të Kosovës, më datë 21.04.2022 ka proceduar kërkesën për përgjigje



në ankesë në Universitetin e Prishtinës "Hasan Prishtina", ndërsa ky i fundit me datë 11.05.2022 ka përcjell përgjigjen në ankesë përmes emailit me numër protokollit 2959/2022 të datës 24.05.2022 së bashku me shkresat e bashkëngjitura të lëndës.

Kolegji për Shqyrtimin dhe Vendosjen e Ankesave për vendosje meritore ka administruar këto prova: Ankesën me numër të protokollit 2151/2022 të datës 15.04.2022 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Autorizimin e datës 08.04.2021 lidhur me përfaqësimin e

Autorizimin e datës 08.04.2021 lidhur me përfaqësimin e ankuesve
dhe

Kërkesën e datës 03.03.2022 drejtuar Universitetit të Prishtinës; Dëftesën për praninë të dërgesës të datës 07.03.2022; Kërkesën për përgjigje në ankesë me numër të protokollit 2344/2022 të datës 22.04.2022; Përgjigjen në kërkesë përmes emailit të datës 11.05.2022; Vendimin me numër 2/995 të datës 04.11.2021 të Universitetit të Prishtinës; Akt Emërimi me nr.2/441 i datës 04.09.2017 për Akt emërimi me nr.1/53 i datës 25.04.2012 për Akt emërimi me nr.1/57 i datës 25.04.2012 për Arta Zabërgja; Akt emërimi me nr.1/179 i datës 02.05.2012 për Akt emërimi me nr.1/87 i datës 25.04.2012 për Akt emërimi me nr.1/54 i datës 25.04.2012 për Akt emërimi me nr.1/55 të datës 25.04.2012 për Akt emërimi me nr.1/61 i datës 25.04.2012 për dhe Akt emërimi me nr.1/88 i datës 25.04.2012 për

Kolegji për Shqyrtimin dhe Vendosjen e Ankesave pasi ka shqyrtuar provat e lëndës, ka konstatuar se Këshilli i Pavarur Mbikëqyrës për Shërbimin Civil i Kosovës, *nuk është kompetent* për të vendosur në lidhje me ankesën, A.nr.381/2022 të datës 15.04.2022 të parashtruar nga grup ankuesish, *SEPSE*:

Nga shqyrtimi i provave materiale të cilat gjenden në shkresat e lëndës të ofruara nga palët, Kolegji për Shqyrtimin dhe Vendosjen e Ankesave ka konstatuar se ankuesit janë të punësuar në Universitetin e Prishtinës "Hasan Prishtina" Fakulteti i Ndërtimitarisë dhe Arkitekturës.

Ankuesit me datë 03.03.2022 kanë parashtruar kërkesë pranë Këshillit Drejtues dhe Komisionit për Konteste dhe Ankesa të Universitetit të Prishtinës "Hasan Prishtina", lidhur me kompensimin e shtesës prej 30 eurove, bazuar në vendimin e Qeverisë së Republikës së Kosovës Nr.05/24 të datës 12.01.2018. Pas heshtjes së organit të punësimit, ankuesit përmes përfaqësuesit me autorizim kanë ushtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor për njohjen e së drejtës së kompensimit të shtesës prej tridhjetë (30) euro bazuar në Vendimin e Qeverisë së Kosovës Nr. 05/24 të datës 12.01.2018.

Kolegji për Shqyrtimin dhe Vendosjen e Ankesave në kuptim të pranueshmërisë së ankesës ju referua dispozitave të Ligjit NR.06/L-114 për Zyrtarët Publikë përkatësisht nenit 2 paragrafit 3 ku përcaktohet se 3. *Nëpunës Civil- është zyrtari publik në kuadër të Shërbimit Civil, i cili ushtron detyrën në një pozitë, duke filluar nga zyrtari profesional deri në pozitën e sekretarit të përgjithshëm në administratën e Presidentit, në administratën e Kuvendit, në Zyrën e Kryeministrit, në ministri, në agjenci ekzekutive, në agjenci dhe në një degë lokale të tyre, në administratën e institucioneve të sistemit të drejtësisë, në institucionin të pavarur, në agjenci të pavarur, në administratën komunale dhe çdo nëpunës i përcaktuar drejtpërdrejt me ligj të veçantë.* 4. *Nëpunës i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në*



administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike, dhe si rrjedhojë ka konstatuar se zyrtarët publikë të nivelit të lartë drejtues, drejtues, profesional dhe shërbimeve të brendshme në kuadër të institucioneve publike të arsimit të lartë në Kosovës, kanë statusin e nëpunësit të shërbimeve publike, respektivisht të njëjtit nuk janë nëpunës civil, andaj duke u bazuar në nenin 6 paragrafi 1 nenparagrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbim Civil të Kosovës, ku përcaktohet se këshilli është kompetent të: "1.1. shqyrton dhe merr vendime për ankesat e nëpunësve civil dhe kandidateve për praninë në Shërbim Civil", Mbi këtë bazë Kolegji për Shqyrtimin dhe Vendosjen e Ankesave konstaton se Këshilli i Pavarur Mbikëqyrës për Shërbim Civil të Kosovës nuk është kompetent për të vendosur lidhur me ankesën A.nr.381/2022 të datës 15.04.2022 të parashtruar nga ankuesit si në hyrje dhe dispozitiv të këtij vendimi.

Kolegji për Shqyrtimin dhe Vendosjen e Ankesave bazuar në dispozitat e nenit 24 dhe 74 të Ligjit Nr.06/L-114 për Zyrtarët Publikë, konstaton se zyrtarët publikë me status të nëpunësit të shërbimit publik kanë të drejtë të ankohen te punëdhënësi dhe më pas mund të fillojnë kontest administrativ në gjykatën kompetente.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nenparagrafi 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, Kolegji për Shqyrtimin dhe Vendosjen e Ankesave vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.381/2022, datë 24.05.2022

Sabile Avdyli

Sabile Avdyli

Zyrtare e Lartë për Bashkëpunim Profesional



Vendimi i dërgohet;

- ❖ Përfaqësuesit të autorizuar të ankuesve
- ❖ Sekretarit të Përgjithshëm në Universitetin e Prishtinës;
- ❖ Udhëheqësit të Personelit në Universitetin e Prishtinës dhe
- ❖ Arkivit të KPMSHCK-së.

